



FONDACIJA
ZA IZDAVAŠTVO
SARAJEVO

Broj, 02-80/12
Sarajevo, 3. 10. 2012. godine

Na osnovu člana 8. Pravilnika o procedurama i kriterijima za izbor korisnika sredstava Fondacije za izdavaštvo br. 02-323/08, 02-11/10 i 02-55/10 i Odluke o raspisivanju Konkursa za izbor korisnika sredstava Fondacije za izdavaštvo za 2012. godinu, broj 02-79/12 od 3. 10. 2012. godine, Upravni odbor Fondacije za izdavaštvo, raspisuje

**KONKURS/NATJEČAJ
za izbor korisnika sredstava
Fondacije za izdavaštvo za 2012. godinu**

I - PREDMET KONKURSA/NATJEČAJA

Predmet Konkursa/Natječaja je prikupljanje prijava i izbor korisnika sredstava Fondacije za izdavaštvo (u daljem tekstu: Fondacija) za 2012. godinu.

II - OBLASTI U OKVIRU KOJIH ĆE SE VRŠITI IZBOR KORISNIKA SREDSTAVA

1. Podrška izdavačima dodjelom revolving kreditnih sredstava;
2. Podrška djelima domaćih autora i prevodilaca;
3. Periodika;
4. Plasman i promoviranje knjige.

III – KRITERIJI ZA ODABIR KORISNIKA SREDSTAVA

Odabir programa i projekata vršit će se u skladu sa usvojenim općim i posebnim kriterijima.

a) Opći kriteriji:

- kvaliteta programa ili projekta, potvrđen status i značaj,
- funkcionalna i ekonomska opravdanost ,
- interes kulturne javnosti,
- nastavak realizacije započetih projekata,
- ravnomjerna regionalna i nacionalna zastupljenost,
- podrška programima i projektima koji imaju potporu lokalne zajednice,
- podrška programima i projektima koji imaju osigurano sufinansiranje,
- broj sudionika i širina prostora djelovanja,
- doprinos promociji i afirmaciji bosanskohercegovačke kulture i kulturnih identiteta,
- doprinos jačanju nacionalne i vjerske tolerancije,
- samoodrživost kandidiranih projekata i programa.

b) Posebni kriteriji

1. Posebni kriteriji za oblast *Podrška izdavačima dodjelom revolving kreditnih sredstava:*

- kvaliteta izdavačkog programa,
- poslovna i programska solidnost izdavača.

2. Posebni kriteriji za oblast *Podrška djelima domaćih autora i prevodilaca:*

- relevantna estetska, kritičko-teorijska i kulturna vrijednost novih djela domaćih pisaca,
- smanjenje zaostajanja u recepciji važnih djela i trendova tekuće književnosti u svijetu,
- teorijska i analitička razmatranja relevantnih društvenih pojava,
- kompetentan uvid u savremene tokove književne, društvene i kulturne teorije,
- prijevodi djela izuzetne vrijednosti iz domaćih književnosti na strane jezike.

3. Posebni kriteriji za oblast *Periodika:*

- njegovanje autorske produkcije domaćih pisaca s relevantnom estetskom, kritičko-teorijskom i kulturnom vrijednošću,
- višegodišnja tradicija afirmiranih časopisa,
- dobro osmišljena programska orijentacija novih projekata.

4. Posebni kriteriji za oblast *Plasman i promoviranje knjige:*

- seriozno intenziviranje prisutnosti knjige i časopisa, odnosno autorskoga rada i izdavačkih rezultata, u domaćem i međunarodnom kulturnom i književnom životu,
- izvornost tekstova i istraživanja o dosad malo ili nikako objavljivanim i vrednovanim pojavama s područja nacionalnih kultura,
- prvo objelodanjivanje rezultata bazičnih projekata i istraživanja,
- znanstvena utemeljenost rezultata kritičkih reinterpretacija i revalorizacija tradicionalnih tumačenja kulturno-historijskih fenomena i formacija.

IV - PRAVO UČEŠĆA

Pravo podnošenja prijave na Konkurs/Natječaj imaju pravna lica registrovana za obavljanje izdavačke djelatnosti na području Federacije Bosne i Hercegovine.

V - NAČIN ODABIRA KORISNIKA SREDSTAVA

Način odabira korisnika sredstava utvrđen je Pravilnikom o procedurama i kriterijima za izbor korisnika sredstava Fondacije za izdavaštvo br. 02-323/08, 02-11/10 i 02-55/10.

VI - SADRŽAJ PRIJAVE ZA UČEŠĆE

Obavezna dokumentacija :

- a) Detaljan projekat ili program za koji se traži sufinansiranje;
- b) Popunjeni aplikacijski obrasci;

- c) Rješenje o registraciji u Federaciji Bosne i Hercegovine;
- d) Uvjerenje o poreznoj registraciji - identifikacijski broj;
- e) Bilans stanja i uspjeha za 2011. godinu sa pečatom Agencije za finansijske, informatičke i posredničke usluge;
- f) Ugovor s bankom ili potvrda od banke o otvaranja računa;
- g) Po jedan primjerak posljednja četiri broja časopisa, dok je za nove projekte neophodno dostaviti programsku orijentaciju i najmanje prvi broj časopisa (za Periodiku).

Obavezna dokumentacija može biti dostavljena kao original: a), b) i g), kopija: e) i kopija sa ovjerom ne starijom od tri mjeseca od datuma objave konkursa: c), d) i f).

VII - VAŽNE NAPOMENE

- Revolving kreditna sredstva u 2012. godini dodjeljivat će se iz raspoloživih sredstava, beskamatno, uz grace period od 12 mjeseci, sa rokom otplate od 24 mjeseca i troškovima Banke u iznosu od 2,5%.
- Izdavači koji su ranijih godina koristili revolving kreditna sredstva dužni su izmiriti sva dospjela dugovanja prema Fondaciji, u suprotnom ne mogu sudjelovati u raspodjeli sredstava za 2012. godinu.
- Upravni odbor nije dužan pojedinačno obrazlagati razloge nefinansiranja projekata.
- Korisnici sredstva Fondacije dužni su dostaviti finansijski izvještaj o namjenskom utrošku Sredstava sa računima i uplatnicama.
- Prijave korisnika koji nisu opravdali namjenski utrošak sredstava dodijeljenih prethodne dvije godine neće biti razmatrane.
- Upravni odbor može povjeriti poslove ocjene estetskih vrijednosti i utvrđivanje prijedloga za izbor korisnika sredstava stručnim osobama, pojedincima i timovima.

VIII - DOSTAVLJANJE PRIJAVA

Prijave sa obavezno popunjenim aplikacijskim obrascima i potrebnom dokumentacijom podnose se isključivo putem pošte na adresu: Fondacija za izdavaštvo, Obala Maka Dizdara 2, 71 000 Sarajevo.

Aplikacijski obrasci se mogu preuzeti na internet stranici www.fondacijaizdavastvo.ba u odjeljku OBRASCI.

Rok za podnošenje prijava je od 5. 10. do 19. 10. 2012. godine.

Dokumentacija i prilozi koji budu dostavljeni za sudjelovanje u Konkursu/Natječaju neće se vraćati.

Nepotpune i neblagovremene prijave neće biti uzete u razmatranje.

Rezultati će biti objavljeni na internet stranici www.fondacijaizdavastvo.ba u roku od 30 dana od dana zatvaranja Konkursa/Natječaja.

**PREDSJEDNIK
UPRAVNOG ODBORA
Mile Stojić**